

大乘集菩薩學論卷第二十一

會八

西天譯經三藏朝獻大夫試鴻臚少卿宣梵大師賜紫沙門臣日稱等奉 詔

增長勝力品第十六之餘

論曰云何名為深心覺了無盡意經云復次是心於諸所作離欺詐故離欺詐者不起諛故不起諛者能決定故能決定者除誑幻故

會八

除誑幻者住清淨故住清淨者常正直故常正直者無邪曲故無邪曲者性明了故性明了者善悟解故善悟解者得真實故得真實者不可壞故不可壞者獲堅牢故獲堅牢者得不動故得不動者不捨眾生故此說是為深心覺了是經復說最上殊勝深心修習安

住寂靜慈覆眾生於賢善者恭敬尊重非賢善者悲心濟拔無揀護者為作揀護無依歸者為作依歸於漂泊者為作洲渚無主宰者為作主宰無伴侶者為作伴侶於邪曲者使令正直於暴惡者使令柔順於諛諛者使令中正於虛誑者使令誠諦於姦寃者使令清

質不知恩者使令知恩於苦惱者令得安隱不饒益者為作饒益於我慢者使令謙下於毀譽者使令讚美於錯謬者為作教詔無守護者為作守護於相違者不見過咎於諸師尊起清淨行方便善巧等心恭敬於所教誨憶持不忘

論曰如是漸次深心修作則能增長勝力大悲現前如法集經云爾時觀世音菩薩白佛言世尊菩薩修學不須多法若持一法則能善知一切佛法是一法者所謂大悲若諸菩薩能行大悲則能攝取一切佛法如在掌中世尊如轉輪王所有輪寶隨其所至皆悉隨

從菩薩若起大悲則於諸佛法自然獲得亦復如是世尊譬如日出光照世間諸有情類所作事業皆得成辦菩薩若以大悲照於一切菩提分法則易修作亦復如是世尊譬如諸根以意為本悉能取於自分境界菩薩住於大悲則於一切菩提分法各各修作如理

而行世尊譬如依彼命根有餘諸根菩薩若有大悲則能修諸菩提分法又無盡意經云譬如人之命根以出入息而為其本如是菩薩修學大乘即以大悲而為其本又如長者唯有一子愛念情重未曾暫捨菩薩獲得大悲於諸眾生愛之若子亦復如是

會八

二

論曰此云何觀謂以慈修心於諸眾生愛猶己子過去世時無量苦惱現生之中病苦大海未來長時輪回險難如十地經說無智愚癡異生之類有無數身已滅現滅當滅如是滅已不能於身而生厭患轉更增長眾苦機關隨生死流不能出離不能棄捨諸蘊執藏

不能遠離大種毒蛇不能觀察六處空聚不能斷除我及我所不能拔出見慢毒箭不能息滅貪恚癡火不能破壞無明黑暗不能枯涸渴愛巨浪不求十力大聖導師入邪稠林隨逐魔黨於輪回海一向漂沒無明如殼厚膜纏裹老病死苦常所逼切我今為愍諸有

情等而作救護積集無量福智資糧以是善根皆悉令得究竟清淨彼經復說是諸有情馳騁生死險難惡道地獄傍生琰魔羅界愚癡暗蔽闕大導師乃至沒於愛河洄漩流轉不暇省滅欲恚害尋無由棄捨貪欲習氣身見羅刹之所執持我慢洲渚無所依怙不能

超越六處聚落無少善根而能濟度是故我今以大悲力拔彼眾生令脫苦難離垢寂靜當令安住一切智智大寶洲故是諸有情憂悲苦惱隨轉連縛貪愛桎梏之所檢繫無明誦誑長時覆翳於三界獄不求出離我皆令脫種種怖畏現前苦惱使無障礙得安隱樂

會八

三

論曰如是於他堅固深心則能增長大悲福行又最上問經云晝夜六時著新淨衣禮敬諸佛常生尊重次第修作成普賢行又三聚經說頭面接足禮敬諸佛則能懺除一切罪垢三聚者謂懺悔勸請隨喜福等又優波離所問經中但明勸請一種義利解諸摩網悟

無常故又等行禮敬一切諸佛如無盡意經說自他懺悔所獲福行如普賢行四伽陀中說隨喜福行如月燈經隨喜品說自餘經中具明三種次明廣大供養回向行相如寶雲經云若諸菩薩以所生花及諸焚香旃檀香樹劫樹寶樹乃至無主宰者無執持者晝夜

六時運心供養佛菩薩等又三三昧耶經云十方世界國土所有地生寶山水生寶山一切妙藥諸清淨水上妙飲食及諸金寶乃至北俱盧洲林藤地味自然香稻最上愛樂所受用者長時運心如前供養論曰如上所明廣大親近承事供養佛菩薩

等如是聞已畢竟一心依教而行發願回向如普賢行經見金剛幢經或十地經中說復次菩薩摩訶薩住極喜地引發十種廣大誓願所謂承事供養一切如來而能成就清淨勝解如是行相盡虛空界同等法性窮未來際一切劫數所有諸佛出興於世作大供養

無有休息是為發起第一大願為欲受持一切如來所說法眼善能守護諸佛正教盡虛空界同等法性窮未來際一切劫數攝受正法無有休息是為發起第二大願

為於諸佛出現於世最初安住兜率天宮降神託陰住胎誕生長年出家修行苦行坐菩提場降伏諸魔轉正法輪示涅槃相最先加行往詣供養於一切處同時而轉最上法輪盡虛空界同等法性窮未來際一切劫數所有諸佛出現世間請轉法輪無有休息是為發起第三大願

為欲引發廣大無量諸菩薩行及無分別諸波羅蜜圓滿清淨所攝諸地總相別相同相異相成相壞相如實無倒顯示教誡諸菩薩行使令發心盡虛空界同等法性窮未來際一切劫數所行正行無有休息是為發起第四大願

爲欲成熟諸有情界有色無色有想無想非有想非無想如生胎生濕生化生三界六趣之所繫屬名色所攝使令永斷一切趣數皆悉入於諸佛法中畢竟安住一切智智使無遺餘盡虛空界同等法性窮未來際一切劫數成熟有情無有休息是爲發起第五大願

爲欲入解十方世界若廣若狹若麤若細或覆或仰雜亂而住猶如帝網分位各異以相應智現前了知盡虛空界同等法性窮未來際一切劫數悉能入解如是世界無有休息是爲發起第六大願  
爲欲羣淨諸佛國土從一佛刹至一佛刹皆

以光明周遍瑩飾離諸煩惱成清淨土大智有情充滿其中普入諸佛廣大境界隨諸有情意樂歸向平等顯示皆令歡喜盡虛空界同等法性窮未來際一切劫數及佛刹數普令嚴淨無有休息是爲發起第七大願  
爲欲與諸大菩薩衆同一意樂積集善根同

一所緣住平等性常得值遇諸佛菩薩隨其所欲不相捨離示佛威力等同發心而復獲得不退神通即能往詣一切世界於大衆中現同類身樂修菩薩所行正行悟不思議大乘妙法盡虛空界同等法性窮未來際一切劫數等諸菩薩悟入大乘無有休息是爲發

起第八大願

爲欲乘御不退轉輪諸菩薩行身語意業皆不唐捐若暫見所作於佛法中便得決定暫聞言音即生淨信能起正智永斷煩惱願令是身如大藥樹拔諸疾苦如如意寶濟諸貧乏廣利衆生修菩薩行盡虛空界同等法性窮未來際一切劫數不虛所行無有休息是爲發起第九大願  
爲於十方一切世界當證無上正等菩提於其所化毛道衆生或一或多皆能顯示降生出家成等正覺轉大法輪入般涅槃示佛境界智慧威力隨諸有情之所意樂於刹那頃

普令覺悟盡衆生界真實回向唯一菩提廣大涅槃咸以一音宣說法要令諸有情心皆悅豫以神通力悉能克滿一切世界示大智力則能建立一切諸法示大涅槃而不泯絕一切諸行盡虛空界同等法性窮未來際一切劫數成三菩提無有休息是爲菩薩引發

### 十種廣大誓願

論曰如是現想深心精進於一切處作是回向如觀音解脫經云以我所作一切善根平等回向令諸衆生離墮落怖令諸衆生脫諸眷屬恩愛怖令諸衆生滅愚癡怖令諸衆生斷繫縛怖令諸衆生離斷命怖令諸衆生離貧窮怖令諸衆生離夭壽怖令諸衆生離毀謗怖令諸衆生離輪回怖令諸衆生離大衆威德怖令諸衆生離諸死怖令諸衆生離惡趣怖令諸衆生離黑闇怖令諸衆生離冤憎會怖令諸衆生離愛別離怖令諸衆生離憎嫉怖令諸衆生離身心逼惱怖令諸衆生斷

除憂悲苦惱怖又此略明回向如普賢行經中偈云

清淨勇猛文殊尊 普賢勝德亦如是  
彼二大士說回向 我當隨順而修學  
十方三世諸如來 所說回向清淨教  
我今積集諸善根 悉同最上普賢行

### 恭敬作禮品第十七

論曰此明次第禮敬諸佛增長福行當云何知如觀察世間經偈云

若一刹那頃 承事於諸佛 我說所得報  
永離八無暇 形色極殊好 成就相莊嚴  
安住佛法中 無復諸懈怠 是人於現生

受用皆克足 常爲衆所尊 無病身光潔  
後生長者家 尊崇無與等 廣興於惠施  
珍寶無慳吝 復作轉輪王 統御四天下  
人民咸善順 國土皆豐樂 威德力具足  
七寶皆殊絕 於一切時中 而勤修供養  
得生忉利宮 自在彌盧頂 爲帝釋天主

奉持清淨教

若人於佛塔

合掌而右旋

永不生於彼

眷屬常圍繞

無別離苦惱

於俱胝劫中

受福無窮盡

又復於佛塔

常得大國王

供養而稱讚

或生天龍中

發心而致禮

於無量劫中

離生盲跛癡

及世間智者

具勇猛威神

福報無與等

堅固諸善根

具勇猛精進

速得成菩提

若國城種族

於世尊塔廟

是人以少香

斯由禮佛塔

若於惡世中

向佛暫歸命

其微如芥子

以決定信心

而與於供養

則為已親近

百千俱胝佛

是人於世間

所獲之功德

今當聽我說

永離諸垢穢

最勝無過上

自在人中仙

端正無倫匹

堅固清淨心

除病惱憂悲

容儀極高爽

若人以花鬘

奉施於佛塔

從此人中沒

得作轉輪王

具大智威德

隨其所至處

生三十三天

乘上妙輦與

珍寶而嚴飾

福力皆成就

若王若人民

咸樂常尊奉

宮殿樓閣中

天女常圍繞

有清淨池沼

以上妙衣服

奉施於佛塔

是人於當生

八德水盈溢

底布以金砂

琉璃玻瓈岸

身肢極光潔

哥屍迦天衣

俱時而顯現

受上妙快樂

惠命皆長久

從此天中沒

常出適意香

聞者生歡悅

又復以金縷

得生豪貴家

於百千億劫

受勝福無極

織成殊勝衣

巧妙善安布

師子象形相

常以妙花鬘

處處而供養

為轉輪聖王

後生於天中

所願無不果

珍寶眾纓絡

及帝釋天主

大自在天子

世主大梵王

隨念於掌生

若人以妙幡

懸施於佛塔

由作是施故

獲如上功德

以上妙細氈

隨彼所意樂

往生諸佛國

當獲金色身

施佛大導師

是人於世間

義利皆成就

眾相悉具足

上饌眾甘味

咸樂持奉獻

又復以衣鬘

持以施佛塔

遠離下種族

又復以繒氈

茸毳諸珍服

毘羅哥屍迦

